

■ GLOSSA

Insatgi cun dapli merda!

DA SILVIO CAMENISCH

Dastgass jau, Chris von Rohr, dar in bun cussegl a tai, chara Lia, cussegliaass jau en mintga cas, betg en mintga cas, en ils blers cas, insatgi cun dapli merda. Meh Dräck! Mes slogan da cult è adina stà appel per dapli curaschi e prontezza da ristgar, er cura ch'i ha num: vul ti far politica! Sa il cussegl da la Lia che Meh Dräck! è vegnì elegì insacur pled da l'onn en Svizra, ed ha survegì in award? Ins emblida l'impurtant, e l'impurtanta n'è betg adina la rosa, monsieu Bécaud da millivolts, sa er esser la Lia.

Dapli merda, meh Dräck, giavisch jau er en las chombras federalas da vart dretga da mes bab spiertal, Christoph Blocher; pertge na duess jau betg giavischar dapli merda en las chombras da la Lia. Guardai mo mes unic faziel da chau da pirat e da pirateria, tgenin tschuf! Betg lavà ina suletta giada en tants onns «und ist doch rund und schön, so sind wohl manche Sachen, die wir gestrost belachen...» navair. Jau, cun mes faziel mai lavà cun naginas auas, plasschess crai jau a tai, Lia.

In cun damain merda, lweniger Dräck, n'è betg tia chaussa, anc sche quels dus umens politics, schain pacific presidents in spe da la Lia, sa mussan cun damain merda en las medias. Quels vegnan a presidiar



tai, chara Lia, insatge auter na vulan quels domadus betg. Anc sa tegnan omadus detg reservads tge ch'els vulan propiamain, segir è ch'els van là en ed or, ed en ed or in pau da tut temp, duessan els vegnir elegids d'in cussegl electoral. Ed «ir en ed or, ed en ed en or» tar la Lia dastgan nossas massas da lecturs e lecturas da La Quotidiana chapir tuttavia fisicamain, betg, signur Grichting?

Omadus candidats in spe, els vulan far politica, vegnan bainvestgids, grisch en grisch, als hearings (audiziuns, Anhörungen). «Nus essan ids a scola tar il schnecc che pertut la corna trasa. Nus essan ids a scola tar il gat ch'a tuts fa il leischen, vuschs enquera ed a tuts fa biala tschera. E nus essan ids a scola betg il davos tar la caglia, lezza vidaneu segeina mintgamai sco'l vent ordeina.» (tenor G. Cadelli: «Vul ti far politica?») U ditg ch'ins chapeschia: nus essan cumiss dal cumpro-

miss. Il cumpromiss n'è betg fauss, ils cumiss i n'èn medemamain betg, fauss. Pertge?

Jau di adina: patratgar Jpudain u savain nus adina tge che nus lain. Nus dain e prendain la pasch/paisch da dretg e sanester, cun il bel maun. Il tschuf, da dapli merda, laschain nus a chasa. Nus essan per convivenza e coesistenza, e nus bajegiain punts maivesidas tranter las etnias, almain relevantas, tschellas èn uschia u uschia fadia vana. Nus essan bajegiapunts!, tgi che passa nossas punts na ristga nagut, arriva suravi saunamain, è er insatge!

La veglia dama Lia, Luschè veglia puspè betg che tut fiss mo pli vanitate, di ch'ella lessi insatge cun dapli merda, dastgass pertge betg, nu'è il problem, er esser insatge feminin. Insatge feminin n'ha'la mai gè, e less ina giada. Pussy Riot avessan dapli merda. Il vegl poprocker Chris von Rohr avess dapli merda! Ed il vegl professor d'economia emerità, WW76, avess tenor dunna Lia dapli merda! Der bringts wenigstens mal auf den Punkt, ch'ins veglia u betg. Ins vules, anc uschè gugent, sin il punct, tema mo da perder tutta autocontrolla, stuess chantar, sautar, sbragir nuncontroladamain en chasa da la Lia, ed il vischin malsau udiss quai! So, chara Lia, stos ta decider, tgenin che duai esser tes fegì da cor?